

## Aallaqqaasiut

Kisitsisitigut paasissutissani matumani sulisinnaasut aamma suliffissaaleqisut agguaqatigiissillugu qaammammut ineriarornerat ersersinneqarpoq. Sapinngisamik FN-ip suleqatigiissitaata The International Labour Organisationip (ILO) innersuussutai tunngavigalugit suliarineqarput. Kisitsisitigut paasissutissat Naatsorsueqqissaartarfuiup qaammatikkaartumik saqqummiuttaagaannut suliffissarsiortutut nalunaarsukkanut taputartuunneqassanngillat.

Saqqummersitaq pingasunik immikkoortoqarpoq, ataatsimut imaluunniit immikkut atuarneqarsinnaasunik. Immikkoortut siullianni suliffissaaleqineq sammineqarpoq. Immikkoortut aappaanni sulisinnaasut saqqummiunneqarlutik kiisalu immikkoortut pingajuanni kisitsisitigut paasissutissanut najoqqutarineqartut, naatsorsuinermi periaaseq il.il. nassuiardeqarlutik.

Naatsorsueqqissaartarfuiup Kisitsisaataasiviani nittartakkami [bank.stat.gl](http://bank.stat.gl)-imi piffissami 2010-miit 2020-mut sulisinnaasut suliffissaaleqinerlu pillugit annertunerusumik paasissutissat nassaarineqarsinnaapput. Immikkoortumi siullermi aappaanilu titartakkat takussutissiallu tamarmik Kisitsisaataasivimmit aasanit sananeqarput. Kisitsisaataasivimmi inissisimaffiinut innersuussutit titartakkat takussutissiallu ataanni najoqutanut nassuaatini takuneqarsinnaapput.

## Saqqummersitami matumani iluarsaassinerit allannguutillu

Saqqummersinneqartumit kinngullermit matumani saqqummiussani iluarsaassisooqanngilaq. 2017-imi januaarip aallaqqaataani utoqqalinermi soraarnerussutisiaqalersinnaanissamut ukiorititat 65-iniit 66-inut qaffanneqarput. Allannguineq saqqummersitami matumani ukiut tulleriaarnerinut sunniuteqarpoq, ukiuni 2010-miit 2016-imut sulisinnaasunut suliffissaaleqisunullu naatsorsuutini innuttaasut najugaqvassisut 18-iniit 64-inut ukiullit naatsorsorneqarsimammata. 2017-i aallarnerfigalungu innuttaasut najugaqvassisut 18-iniit 65-inut ukiullit kisitsisitigut paasissutissiarineqartalerput. Taamaattumik 2016-imuit 2017-imut nalunaarsuutit amingaateqarput.

*Nassuaatit:*

*Suliffeqarneq: Agguaqatigiissillugu qaammammut suliffillit amerlassusaat.*

*Suliffissaaleqineq: Agguaqatigiissillugu qaammammut suliffissaaleqisut amerlassusaat.*

*Suliffissaaleqineq procentinngorlugu: Sulisinnaasut akornanni suliffissaaleqineq.*

*Sulisinnaasut: Innuttaasut najugaqavissut inuussutissarsiorfiusinnaasunik ukiullit.*

*Ukiut inuussutissarsiorfiusinnaasut: 18-64-inik ukiullit (2010-2016) aamma 18-65-inik ukiullit (2017-2020).*

*Sulisinnaasunut ilaanngitsut: Innuttaasut najugaqavissut inuussutissarsiorfiusinnaasunik ukiullit suliffilit tul suliffissaaleqisutullu nalunaarsorsimanngitsut.*

## 1. Suliffissaaleqineq

2020-mi agguaqatigiissillugu qaammatit tamaasa 1.431-t suliffissaaleqisutut nalunaarsorsimapput. Takussutissiaq 1.1 malillugu sulisinnaasut 5,3 pct.-iannik tamanna annertussuseqarpoq. Qaammatikkaartumik suliffissaaleqineq 2019-imut naleqqiullugu inunniq 44-nik 3,2 pct.-imik annertutigaluni qaffariarsimavoq.

### Takussutissiaq 1.1 Suliffissaaleqineq aamma pct.-inngornera najugaqarfinnut suiaassutsinullu agguallugit

Tamakkerlutik	Suliffissaaleqineq					Suliffissaaleqineq pct.-inngorlugu				
	2016	2017	2018	2019	2020	2016	2017	2018	2019	2020
	Inuit amerlassusaat					Pct.				
<b>Illoqarfinni</b>	<b>1.971</b>	<b>1.858</b>	<b>1.582</b>	<b>1.387</b>	<b>1.431</b>	<b>7,3</b>	<b>6,8</b>	<b>5,8</b>	<b>5,1</b>	<b>5,3</b>
Illoqarfinni il.il.	1.641	1.521	1.283	1.126	1.163	7,0	6,4	5,4	4,7	4,9
Angutit	1.049	1.009	846	756	786	7,1	6,8	5,7	5,1	5,4
Arnat	923	849	736	632	646	7,6	6,9	5,9	5,1	5,2

Najoqqataq: Naatsorsueqqissaartarfuiup Kisitsaataasivia: <https://bank.stat.gl/ARNLED3> aamma <https://bank.stat.gl/ARNLED4>


Malugiuk: 1.januari 2017 aallarnerfigalungu utoqqalinermi soraarerussutisiaqalersinnaaneq 65-iniit 67-inut ukiulinnut qaffanneqarpoq. 2017-imiit 18-iniit 65-inut ukiullit suliffissaaleqisutut nalunaarsorsimasut takussutissiarineqartalerput.

Suliffissaaleqineq annertooq illoqarfinni atuuppoq. 2020-mi agguaqatigiissillugu inuit 1.163-it illoqarfinni suliffissaaleqisimapput, 269-illu nunaqarfinni. 2019-mut naleqqiullugit illoqarfinni suliffissaaleqisut 37-nik amerlanerulersimapput, nunaqarfinnilu arfineq-pingasunik.

Suliffissaaleqineq illoqarfinni annertunerungaluartoq, sulisinnaasut akornanni suliffissaleqinerup procentinngornera nunaqarfinni annertuneruvoq. 2020-mi nunaqarfinni sulisinnaasut akornanni agguaqatigiissillugu 8,5 pct.-ii qaammatit tamaasa suliffissaaleqinermik eqqugaasarsimapput, illoqarfinni sulisinnaasut akornanni 4,9 pct.-ii suliffissaaleqisutut nalunaarsorsimasut.

Qaammatip ingerlanerani angutit arnanit amerlanerusut suliffissaaleqinermik eqqugaasarsimapput. 2020-mi agguaqatigiissillugu angutit 786-it arnanit 646-nit amerlanerullutik qaammatit tamaasa suliffissaaleqisutut nalunaartarsimapput. Taamaasilluni 2020-mi sulisinnaasut akornanni angutit agguaqatigiissillugu 5,4 pct.-ii arnallu 5,2 pct.-ii qaammatit tamaasa suliffissaaleqisimallutik.

### **Titartagaq 1.2 Suliffissaaleqineq pct.-inngorlugu**




Najoqqutaq: Naatsorsueqqissaartarfuiup Kisitsisaataasivia: <https://bank.stat.gl/ARNLED4>

Malugiuk: 1.januaari 2017 aallarnerfigalungu utoqqalinermi soraarnerussutisiaqalersinnaaneq 65-imiit 67-inut ukiulinngut qaffanneqarpoq. 2017-imiit 18-imiit 65-inut ukiullit suliffissaaleqisutut nalunaarsorsimasut takussutissiarineqartalerput.

Titartagaq 1.2 malillugu suliffissaaleqineq ukiup ingerlanerani piffissat nikerarerannit annertuumik sunnerneqartarpoq. Suliffissaaleqineq ukiukkut annertunerpaasarpooq – kvartalit siullianni angineraalluni – aasakkullu annikinnerpaasarpooq, kvartalillu pingajuanni annikinnerpaalluni. Ukiut kingulliit ingerlanerini piffissat nikinnerisa sunniisarnerat siornatigornit annikinnerulersimavoq. Piffissami 2016-imiit 2018-imut kvartalit pingajuanni suliffissaaleqineq procentinngorlugu ukiuni pineqartuni kvartalit siulliannit 4 procentpointinik annikinneruvoq. 2020-milu 1,7 pct.-inik appaqqippoq. 2020-mili kvartalini kingullerni pingasuni ukiumi siuliani piffissani pineqartuni suliffissaaleqineq annertuneruvoq

### **Titartagaq 1.3 Suliffissaaleqineq pct.-inngorlugu suaassutsit malillugit**




Najooqtaq: Naatsorsueqqissaartaifiup Kisitsisaataasivia: <https://bank.stat.gl/ARNLED4>

Malugiuk: 1.januari 2017 aallarnerfigalungu utoqqalinermi soraarnerussutisiaqalersinnaaneq 65-iniit 67-inut ukiulinnut qaffanneqarpoq. 2017-imuit 18-inut 65-inut ukiullit suliffissaaleqisutut nalunaarsorsimasut takussutissiarineqartalerput.

Ukiumut piffit nikittarneri malillugit suliffissaaleqinermi titartagaq 1.3 malillugu angutit arnanit amerlanerupput. Angutit arnaniit piffit nikittarneri malillugit inuussutissarsiorluni suliaqarfanni sulinerusarnerannik tamanna nassuiarneqarsinnaavoq, pingaartumik aalisarnerup iluani, arnalli suliffillit 68 pct.-it missaanniittut annertunerpaaataat pisortat suliffeqarfiutaanni sulisuunerannik, tassanilu ukiup ingerlanerani suliffeqarnerup annertussusaata aalaakkaanerusumik ingerlasarneranik.

### **Titartagaq 1.4 2020-mi suliffissaaleqineq pct.-inngorlugu najugaqarfiiit malillugit**



Najooqtaq: Naatsorsueqqissaartaifiup Kisitsisaataasivia: <https://bank.stat.gl/ARNLED4>

Titartagaq 1.4-rimi takussutissiaq 1.5-imilu takuneqarsinaasutut najugaqarfiiit akornanni suliffissaaleqinerup procentinngorneri annertuumik assigiinngiaarput. 2020-mi najugaqarfimmi Uummannami suliffissaaleqinerup procentinngornera 1,8 pct.-imiilluni annikinnerpaavoq, tulliulluni najugaqarfik Upernivimmi 2,5 pct.-imiilluni. Najugaqarfik Tasiilaq paarlattuanik inisisimavoq, 2020-milu sulisinnaasut akornanni

suliffissaaleqineq procentinngorlugu 21,8 pct.-inik annertussuseqarpoq. Najugaqarfik Qeqertarsuaq 5,2 pct.-imi inissisimavoq, nunalu tamakkerlugu agguaqatigiissitsinermut qaninnerpaalluni. Najugaqarfimmi Nuummi suliffissaaleqineq 3,1 pct.-imiippoq.

### Takussutissiaq 1.5 Suliffissaaleqineq aamma pct.-inngornera najugaqarfinnut agguallugit


	Suliffissaaleqineq					Suliffissaaleqineq pct.-inngorlugu				
	2016	2017	2018	2019	2020	2016	2017	2018	2019	2020
	Inuit amerlassusaat					Pct.				
<b>Nuna tamakkerlugu ...</b>	<b>1.971</b>	<b>1.858</b>	<b>1.582</b>	<b>1.387</b>	<b>1.431</b>	<b>7,3</b>	<b>6,8</b>	<b>5,8</b>	<b>5,1</b>	<b>5,3</b>
Nanortalik .....	95	124	118	98	102	12,7	16,8	16,6	14,2	14,5
Qaqortoq .....	141	146	128	113	115	9,3	9,6	8,5	7,6	7,8
Narsaq .....	95	93	82	75	66	13,2	12,6	11,1	10,4	8,9
Paamiut .....	98	91	68	57	48	14,1	13,6	10,4	9,3	8,3
Nuuk .....	492	418	318	263	299	5,3	4,3	3,3	2,7	3,1
Maniitsoq .....	90	91	107	98	90	5,7	5,8	6,6	6,4	6,2
Sisimiut .....	135	120	112	151	160	4,5	3,9	3,7	4,8	5,1
Kangaatsiaq .....	62	60	73	65	59	11,9	11,1	13,6	13,1	12,0
Aasiaat .....	78	90	84	62	58	5,6	6,4	5,8	4,5	4,1
Qasigiannguit .....	32	28	26	22	16	5,7	5,1	4,6	3,8	2,9
Ilulissat .....	105	82	68	60	68	4,4	3,5	2,9	2,5	2,9
Qeqertarsuaq .....	31	31	18	17	20	8,1	7,8	4,6	4,4	5,2
Uummannaq .....	57	41	33	19	20	5,1	3,7	3,0	1,7	1,8
Upernivik .....	76	66	37	23	30	6,5	5,7	3,2	1,9	2,5
Qaanaaq .....	55	39	28	20	21	18,0	12,9	9,2	6,8	7,2
Tasiilaq .....	305	318	266	238	253	24,6	25,0	21,1	19,7	21,8
Ittoqqortoormiit ...	25	21	15	6	7	15,2	13,3	10,2	4,6	4,9

Najoqquataq: Naatsorsueqqissaartarfipu Kisitsisaataasivia: <https://bank.stat.gl/ARNLED3> aamma <https://bank.stat.gl/ARNLED4>

Malugiuk: 1.januaari 2017 aallarnerfigalungu utoqqalinermi soraarerussutisiaqalersinnaaneq 65-iniit 67-inut ukiulinnut qaffanneqarpoq. 2017-imiit 18-iniit 65-inut ukiullit suliffissaaleqisutut nalunaarsorsimasut takussutissiarineqartalerput.

Titartagaq 1.6 malillugu ukiut immikkoortiternerini tamani suliffissaaleqinerup annertussusaa nunaqarfinni annertunerpaavoq illoqarfinnilu annikinnerpaalluni. Ukiut immikkoortiternerini inuuusunnerusut akornanni assigiinngissut annertuneruvoq. Nunaqarfinni inuuusuttut 30-t inorlugit ukiullit suliffissaaneqinermik annertuumik eqqugaaqqammata.


## **Titartagaq 1.6 2020-mi suliffissaaleqineq pct.-inngorlugu ukiut najugaqarfillu malillugit**



Najoqputaq: Naatsorsueqqissaartaipu Kisitsisaataasivia: <https://bank.stat.gl/ARNLED4>

Taamatuttaaq suaassutsit akornanni ukiut malillugit suliffissaaleqineq assigiinngiaarpoq. Arnat 35-t inorlugit ukiullit akornanni procentinngorlugu suliffissaaleqinerat angutinit annertuneruvoq, ukiulli immikkoortiternerini arlalinni utoqqaanerusuni tamanna killormoorpoq.

## **Titartagaq 1.7 2020-mi suliffissaaleqineq pct.-inngorlugu ukiut suaassutsillu malillugit**



Najoqputaq: Naatsorsueqqissaartaipu Kisitsisaataasivia: <https://bank.stat.gl/ARNLED4>

Takussutissiaq 1.8 malillugu suliffissaaleqinermik eqqugaasartut annerpaartaat, imaluunniit missiliorlugu suliffissaaleqisut 82 pct.-ii, meeqqat atuarfiannit qaffasinnerusumik ilinniagaqarsimanngillat. Taamaattoq taakkupput piffissami 2016-imiit 2019-imut ilinniakkat immikkoortiterneri malillugit suliffissaaleqinermi annertunerpaamik appariaateqarsimasut. 2020-mi meeqqat atuarfiannik qaffasinnerpaatut ilinniakkamik naammassinnissimasut suliffissaaleqinerat 8,8 pct.-imiippoq.

Ilinniakkat malillugit immikkoortiterinermi suliffissaaleqineq nuna tamakkerlugu agguaqatigiissitsinermit 5,3 pct.-iusumit annikinneruvoq.

Pingaartumik *Ingerlariaqqiffiusumik ilinniagallit* akornanni suliffissaaleqineq appasippoq, 2020-milu sulisinnaasut akornanni pineqartut suliffissaaleqinerat 0,5 pct.-imiippoq.

### Takussutissiaq 1.8 Suliffissaaleqineq aamma pct.-inngornera ilinniakkanut qaffasinnerpaatut naammassisimasanut agguallugit

	Suliffissaaleqineq					Suliffissaaleqineq pct.-inngorlugu				
	2016	2017	2018	2019	2020	2016	2017	2018	2019	2020
	Inuit amerlassusaat					Pct.				
<b>Tamakkerlutik</b>	<b>1.971</b>	<b>1.858</b>	<b>1.582</b>	<b>1.387</b>	<b>1.431</b>	<b>7,3</b>	<b>6,8</b>	<b>5,8</b>	<b>5,1</b>	<b>5,3</b>
Meeqqat atuarfiat	1.681	1.565	1.325	1.158	1.179	11,7	11,0	9,4	8,4	8,8
Ilinniarnertuunngorniarneq	31	33	30	27	25	2,4	2,4	2,2	1,9	1,7
Inuussutissarsiornermik ilinniakkat katillugit	207	214	185	162	179	3,3	3,3	2,8	2,5	2,7
- Eqqumiitsuliorneq aamma humaniora .....	11	9	7	6	7	6,1	5,0	4,2	3,5	4,0
- Inuussutissarsiorneq, allaffisorneq inatsisilerinerlu	14	15	13	11	15	1,8	1,8	1,5	1,2	1,7
- Ingeniørinngorniarneq, tunisassiorneq										
sanaartornerlu .....	66	63	52	45	48	2,9	2,7	2,3	2,0	2,1
- Nunalerineq, orpippassualerineq, aalisarneq										
uumasunullu nakorsaqarneq .....	16	22	16	19	21	6,3	8,4	6,3	7,3	8,3
- Peqqinissaq atugarissaarnerlu .....	43	47	41	34	37	2,9	3,1	2,6	2,2	2,3
- Kiffartuussinermi ilinniakkat .....	56	57	55	46	49	4,7	4,5	4,2	3,5	3,6
- Allat .....	1	1	1	1	2	1,5	1,0	0,9	1,2	1,5
Qaffassarluni pikkorissarneq .....	32	26	24	22	27	3,0	2,3	2,1	2,0	2,3
Ingerlariaqqiffiusumik ilinniarneq .....	20	20	18	18	23	0,5	0,5	0,4	0,4	0,5

Najooqtaq: Naatsorsueqqissaartaarfiup Kisitsaataasivia: <https://bank.stat.gl/ARNLED6> aamma <https://bank.stat.gl/ARNLED7>

Malugiuk: 1.januaari 2017 aallarnerfigalungu utoqqalinermi soraarerussutisiaqalersinnaaneq 65-iniit 67-inut ukiulinnut qaffanneqarpoq. 2017-imiiit 18-iniit 65-inut ukiullit suliffissaaleqisutut nalunaarsorsimasut takussutissiarineqartalerput.

Takussutissiaq 1.8-mi takuneqarsinnaasututtaaq ilinniagaqarfittut assigiinngitsut akornanni inuussutissarsiornermi ilinniakkamik qaffasinnerpaatut naammassisimasun suliffissaaleqineq assigiinngiaarpaq. Inuussutissarsiornermik ilinniarsimasut akornanni *Nunalerinermik, orpippassualerinermik, aalisarnermik uumasunullu nakorsaqarnermik* ilinniakkaniq naammassisimasut (assersuutigalungu aalisartunut ikiortit aamma qalulerisut) 2020-mi suliffissaaleqinerat 8,3 pct.-imik annertussuseqarpoq, *Kiffartuussinermilli* suliaqarfimmi (assersuutigalungu terminalini sulisut igasullu) suliffissaaleqinerat 3,6 pct.-imiilluni. 2019-imut sanilliussinermi *Nunalerinermi, orpippassualerinermi, aaalisarnermik uumasunullu nakorsaqarnermik* suliffissaaleqineq 1 procentpointinik qaffariarsimavoq.

Inuussutissarsiornermik ilinniagaqarsimasut akornanni suliaqarfinni *Allani* (assersuutigalungu IT-mik aqutsinermi ilinniarsimasuni) suliffissaaleqineq 1,5 pct.-iinnarmiilluni annikinnerpaavoq. Taamatullu suliaqarfinni *Inuussutissarsiornermi, allaffisornermi inatsisilerinermilu* ilinniagaqarsimasut (HK-assistentit aamma niuertarfinni sulisussatut ilinniarsimasut) kiisalu *Ingeniørinngorniarnermik, tunisassiornermik sanaartornermilu* ilinniagaqarsimasut suliffissaaleqinerat annikippoq, tassani sulisinnaasut 1,7 pct.-ii aamma 2,1 pct.-ii ilinniagaqarfinni taakkartukkani 2020-mi aguaqatigiissillugu qaammammut suliffissaaleqisimmata.

Kisitsisit ataatsimut katinnerini *Kiffartuussinermi* inuussutissarsiornermik ilinniakkamik qaffasinnerpaatut naammassisimasut suliffissaaleqinerat

annertunerpaavoq, 2020-mi qaammammut agguaqatigiissillugu inuit 49-t suliffissaaleqisimammata. Pineqartut suliffissaaleqisut inuussutissarsiornermillu qaffasinnerpaatut ilinniakkamik naammassinnissimasut tamakkerlugin sisamararterutaattut amerlassuseqarput.

Takussutissiaq 1.9-mi takuneqarsinnaasutut 2020-p ingerlanerani inuit 4.520-t minnerpaamik qaammammi ataatsimi suliffissaaleqinermik eqqugaasimapput. Tamanna takussutissiaq 1.8-mi takutinneqareersutut agguaqatigiissillugu qammammut suliffissaaleqisimasunit 1.431-nit pingasoriaat sinnerlugu qaffasinneruvoq. Takuneqarsinnaavortaaq 2020-mi suliffissaaleqisimasut tamakkerlutik 60,3 pct.-ii annerpaamik qaammatini pingasuni suliffissaaleqisimasut, 9,5 pct.-ii lu qaammatini quliniit aqqaneq-marlunni suliffissaaleqisutut nalunaarsorneqarsimallutik.

### **Takussutissiaq 1.9 2020-mi suliffissaaleqineq suaassutsit, najugaqarfik qaammatillu suliffissaaleqiffiit malillugit**

	Qaammatit suliffissaaleqiffiit				
	Minnerpaamik qaammat ataaseq	Qaammatit 1-3	Qaammatit 4-6	Qaammatit 7-9	Qaammatit 10-12
Najugaqarfiiit tamarmik					
<b>Tamakkerlutik</b>	<b>4.520</b>	<b>2.769</b>	<b>868</b>	<b>453</b>	<b>430</b>
Angutit .....	2.394	1.405	498	244	247
Arnat .....	2.126	1.364	370	209	183
Illoqarfiiit					
<b>Tamakkerlutik</b>	<b>3.634</b>	<b>2.211</b>	<b>698</b>	<b>374</b>	<b>351</b>
Angutit .....	1.967	1.152	405	200	210
Arnat .....	1.667	1.059	293	174	141
Nunaqarfiiit il.il.					
<b>Tamakkerlutik</b>	<b>886</b>	<b>558</b>	<b>170</b>	<b>79</b>	<b>79</b>
Angutit .....	427	253	93	44	37
Arnat .....	459	305	77	35	42

Najoqtaq: Naatsorsueqqissaartariup Kisitsisaataasivia: <https://bank.stat.gl/ARNLED5>

## **2. Sulisinnaasut**

Sulisinnaasut tassaapput innuttaasut najugaqavissut inuussutissarsiorfiusinnaasunillu 18-iniit 65-inut ukiullit (2020-mi), suliffilitut imaluunniit suliffissaaleqisutut nalunaarsorsimasut. 2020-mi qaammammut agguaqatigiissillugu sulisinnaasut 26.978-inik amerlassuseqarput, taakkunannga 25.547-t suliffeqarput 1.431-llu suliffissaaleqisutut nalunaarsorsimallutik. Innuttaasut najugaqavissut inuussutissarsiofiusinnaasunillu ukiullit tamakkerlutik 36.763-iupput, takussutissiarli 2.1 malillugu najugaqavissut 18-iniit 65-inut ukiullit akornanni sisamararterutaat 9.785-inik amerlassusillit sulisinnaasunut ilaangillat.

## Takussutissiaq 2.1 2020-mi sulisinnaasut najugaqarfinnut agguallugit


	Sulisinnaasut		Sulisinnaasutut inissisimanngi- tsut	Innuttaasut najugaqavissut katillugit
	Katillugit	Suliffillit Suliffissaaleqisut		
Inuit amerlassusaat				
<b>Nuna tamakkerlugu<sup>1</sup></b> ...	<b>26.978</b>	<b>25.547</b>	<b>1.431</b>	<b>9.785</b>
Nanortalik .....	702	600	102	324
Qaqortoq .....	1.468	1.353	115	533
Narsaq .....	739	673	66	297
Paamiut .....	576	528	48	252
Nuuk .....	9.791	9.492	299	3.055
Maniitsoq .....	1.458	1.368	90	525
Sisimiut .....	3.115	2.955	160	898
Kangaatsiaq .....	493	434	59	261
Aasiaat .....	1.400	1.342	58	630
Qasigiannguit .....	545	529	16	171
Ilulissat .....	2.385	2.317	68	902
Qeqertarsuaq .....	381	361	20	148
Uummannaq .....	1.093	1.073	20	422
Upernivik .....	1.192	1.162	30	588
Qaanaaq .....	292	271	21	185
Tasiilaq .....	1.158	905	253	498
Ittoqqortoormiit ....	142	135	7	82
				224

Najoqputaq: Naatsorsueqqissaartarfiup Kisitsisaataasivia: <https://bank.stat.gl/ARNSTK1>

Nalunaarut: 1) Nuna tamakkerlugu kisitsisini kommunit avataanni sumiiffiit ilaapput.

Titartagaq 2.2-mi takutinneqarpoq piffissami 2016-imiit 2020-mut sulisinnaasunut nalunaarsuutit marluk; *suliffillit* aamma *suliffissaaleqisut* qanoq ingerlasimaneri. Takuneqarsinnaasutut sulisinnaasut suliffilinnit suliffissaaleqisuniillu ukiup ingerlanerani aalaakkaanerusumik inissisimapput. Taamaattoq sulisinnaasut – suliffillit assigalungit – aasaanerani amerlanerpaasarpot. 2016-imi 3.kvartalimi missiliorlugu 900-nik amerlanerullutik ikannerpaasimapput, 1.kvartalimi ikinnerpaasimallutik. 2017-imiilli 2020-mut 2.kvartalimi sulisinnaasut amerlanerulerput. Paatsoortoqarnissaa pinaveersaartinniarlugu maluginiarneqassaaq titartakkami uuttuutitut titarneq qummoortoq 21.000-iniik aallartimmat, kiisalu titartakkami suliffillit suliffeqanngitsullu qalipaasersorneri pineqartut qanoq ataqtiginnerinut takussutissiaanngimmata.

## Titartagaq 2.2 Sulisinnaasut




Najoqqutaq: Naatsorsueqqissaartiarfiup Kisitsisaataasivia: <https://bank.stat.gl/ARNSTK1>

Malugiuk: 1.januari 2017 aallarnerfigalungu utoqqalinermi soraarnerussutisiaqalersinnaaneq 65-iniit 67-inut ukiulinnut qaffanneqarpoq. 2017-imiit 18-iniit 65-inut ukiullit sulisinnaasutut nalunaarsorsimasut takussutissiarineqartalerput.

Titartagaq 2.3 malillugu sulisinnaasut ukiunut immikkoortiternerini takuneqarsinnaavoq 30-t 54-illu akornanni ukiulinni sulisinnaasut amerlassusaat annertunerungaatsiartut. Ukiunilu pineqartuni ukiullit akornanni sulisinnaanngitsutut inissisimasut ikinnerpaallutik. Ataatsimut isigalungu ukiut immikkoortiternerini pineqartuni innuttaasut najugaqavissut 80 pct.-iisa missaaniittut 2020-mi sulisinnaasutut inissisimapput.


## Titartagaq 2.3 2020-mi sulisinnaasut annerntussusaat ukiut malillugit



Najoqqutaq: Naatsorsueqqissaartiarfiup Kisitsisaataasivia: <https://bank.stat.gl/ARNSTK1>

Titartagaq 2.4 malillugu najugaqarfiiit akornanni sulisinnaasut annertussusaat innuttaasunut inuussutissarsiorfiusinnaasunik ukiulinnut naleqqiullugit assigiinngiaarput. Najugaqarfimmi Sisimiuni innuttaasut 18-iniit 65-inut ukiullit 77,5 pct.-ii 2020-mi sulisinnaasutut inissisimapput, najugaqarfimmilu Qaanaami innuttaasut 61,2 pct.-iinnai sulisinnaasunut ilaallutik. Nuna tamakkerlugu innuttaasut inuussutissarsiorfiusinnaasunik ukiullit 73,4 pct.-ii sulisinnaasutut inissisimapput.

## Titartagaq 2.4 2020-mi sulisinnaasut annertussusaat najugaqarfiiit malillugit




Najooqqutaq: Naatsorsueqqissaartarfip Kisitsisaataasivia: <https://bank.stat.gl/ARNSTK1>

Sulisinnaasutut inisisimanermi ilinniakkap qaffasissusaa annertuumik sunniuteqartarpoq. Titartagaq 2.5 aamma takussutissiaq 2.6 malillugit ilinniagaq naammassisimasaq qaffasinnerujartortillugu sulisinnaasutut inisisimaneq annertuneruleriartortarpoq.

2020-mi innuttaasut inuussutissarsiorfiusinnaasunik ukiullit sulisinnaasutullu inisisimasut missiliorlugu 91 pct.-ii *Ingerlariaqqiffiusumik ilinniagaqarput* 82 pct.-iisalu missaanniittut *Inuussutissarsiornermik ilinniakkamik* naammassinnissimapput. Killormoortuanik innuttaasut inuussutissarsiorsinnaasutut inisisimasut qaffasinnerpaamillu *Meeqqat atuarfiannik* naammassinnissimasut 59 pct.-ii sulisinnaasutut inisisimapput. Innuttaasut inuussutissarsiorfiusinnaasunik ukiullit akornanni qaffasinnerpaatut *Ilinniarnertuunngorniarnermik Qaffassarlunilu pikkorissanermik* naammassinnissimasut 67 pct.-ii kiisalu 82 pct.-ii sulisinnaasutut inisisimapput.

## Titartagaq 2.5 2020-mi sulisinnaasut annertussusaat ilinniagaq qaffasinnerpaatut naammassisimasaq malillugu



Najooqqutaq: Naatsorsueqqissaartarfip Kisitsisaataasivia: <https://bank.stat.gl/ARNSTK2>

## Takussutissiaq 2.6 2020-mi sulisinnaasut ilinniakkanut qaffasinnerpaatut naammassisimasanut agguallugit

	Sulisinnaasut			Sulisinnaasutut inissisimanngi- tsut	Innutaasut najugaqavissut katillugit
	Katillugit	Suliffilit	Suliffissaaleqisut		
Inuit amerlassusaat					
<b>Tamakkerlutik</b> .....	<b>26.978</b>	<b>25.547</b>	<b>1.431</b>	<b>9.785</b>	<b>36.763</b>
Meeqqat atuarfiat	13.352	12.173	1.179	7.217	20.569
Ilinniarneruuungorniarneq	1.437	1.412	25	679	2.116
Inuussutissarsiornermik ilinniakkat katillugit	6.604	6.425	179	1.257	7.861
- Eqqumiitsuliorneq aamma humaniora	176	169	7	49	225
- Inuussutissarsiorneq, allaffissorneq inatsisilerinerlu	882	867	15	109	991
- Ingeniorinngorniarneq, tunisassiorneq sanaartornerlu	2.273	2.225	48	381	2.654
- Nunalerineq, orpippassualerineq, aalisarneq uumasunullu nakorsaqarneq	252	231	21	92	344
- Peqqinnissaq atugarissaarnerlu	1.574	1.537	37	340	1.914
- Kiffartuussinermi ilinniakkat	1.346	1.297	49	280	1.626
- Allat	101	99	2	6	107
Qaffassarluni pikkorissarneq	1.150	1.123	27	224	1.374
Ingerlariaqqiffiusumik ilinniarneq	4.437	4.414	23	406	4.843

Najoqquataq: Naatsorsueqqissaartarfuiup Kisitsaataasivia: <https://bank.stat.gl/ARNSTK2>


2020-mi najugaqavissut akornanni sulisinnaasutut inissisimasut 26.978-iusut akornanni 6.425-t inuussutissarsiornermi ilinniagaqarsimapput.

Taamaasilluni meeqqat atuarfiattut qaffassisusilimmik ilinniagaqarsimasunut tulliullutik inuussutissarsiornermi ilinniarsimasut amerlanerpaapput.

Titartagaq 2.7-imí takuneqasinaapput sulisinnaasut akornanni inuussutissarsiornermi ilinniarsimasut ilinniarfigisimasaat malillugit.

*Nunalerinermi, orpippassualerinermi, aalisarnermi uumasunullu nakorsaqarnermi inuussutissarsionermik ilinniagaqarsimasut (assersuutigalungu aalisartunut ikiortut qalulerisullu) 37 pct.-ii 2020-mi sulisinnaasutut inissisimanngillat. Illuatungaani inuussutissarsiornermi Allani ilinniagaqarsimasut (assersuutigalungu IT-mik aqutsinermi ilinniarsimasut) 5,9 pct.-ii sulisinnaasutut inissisimanatik. Taamaattoq takussutissiaq 2.6 malillugu taaneqartut kingullit ikipput, 2020-mi taamaallaat 101-inik amerlassuseqarlutik.*

## Titartagaq 2.7 2020-mi sulisinnaasut annertussusaat inuussutissarsiornermi ilinniagaqarsimasut akornanni ilinniagaq malillugu



Najoqquataq: Naatsorsueqqissaartarfuiup Kisitsaataasivia: <https://bank.stat.gl/ARNSTK2>

### **3. Kisitsisitigut paasissutissat pillugit**

#### **3.1 Tunuliaqtuq**

Kalaallit Nunaanni Naatsorsueqqissaartarfimmit 2012-imi suliffissaaleqineq pillugu paasissutissat annertuumik nutarsarneqarput, FN-ip suleqatigiissitaata The International Labour Organisationip (ILO) innersuussutai tunngavigalungit suliarineqarluni. Taamaaqataanillu suliffeqarnermi pissutsit pillugit paasissutissat assinganik Naatsorsueqqissaartarfik nutarterivoq. Paasissutissanik nutarterinerup kinguneraa suliffeqarfeqarnermi pissutsit pillugit paasissutissat nunat assiginngitsut akornanni periaatsit malillugit pitsaassusillit ataqtigisumillu suliat piulererat. Suliffeqarneq aamma suliffissaaleqineq atorlugit sulisinnaasut pillugit kisitsisitigut paasissutissat suliarineqarput, sulisinnaasullu pillugit kisitsisitigut paasissutissat ILO'mit innersuussutai tunngavigalugit aamma suliarineqarput.

Kisitsisitigut paasissutissat Naatsorsueqqissaartarfik qaammatip naasup qiteqqunnerata missaani saqqummiuttaqannut suliffissarsiortutut nalunaarsukkanut taputartuunneqassangillat. Suliffissarsiortutulli nalunaarsukkat suliffissaaleqisut qanoq ineriaartorsinnaanerinut assersuutit atorneqarsinnaapput. Suliffissarsiortunut nalunaarsukkat suliffissaaleqisut pillugit kisitsisitigut paasissutissaattulli nalilersorneqarsimannngillat, nunanilu tamalaani suleriaaseq malillugu suliarineqarsimanatik.

#### **Takussutissiaq 3.1 2016-imiit 2020-mut suliffissarsiortutut nalunaarsukkat suliffeqanngitsullu**

	Agguaqatigiissillugu qaammammut inuit amerlassusaat				
	2016	2017	2018	2019	2020
Suliffissarsiortutut nalunaarsukkat .....	2.908	2.767	2.317	1.924	1.946
- Najugaqvissuuungitsut .....	75	58	45	46	35
- Qaammammi pineqartumi suliffillit .....	862	851	690	491	480
Suliffissaaleqisut .....	1.971	1.858	1.582	1.387	1.431

Najoqputa: Naatsorsueqqissaartarfik aamma Kisitsisaataasivik: <https://bank.stat.gl/ARNLED1>, <https://bank.stat.gl/ARNLED3>

Malugiuk: 1.januari 2017 aallarnerfigalungu utoqqalinermi soraarerussutisiaqalersinnaaneq 65-iniit 67-inut ukiulinngut qaffanneqarpoq. 2017-imiit 18-iniit 65-inut ukiullit sulisinnaasutut nalunaarsorsimasut takussutissiarineqartalerput. Ukiuni siuliini suliffissaaleqisutut nalunaarsukkat aamma suliffillit 18-iniit 64-inut ukiullit takussutissiarineqartalerput..

#### **3.2 Najoqputat**

Suliffissaaleqineq pillugu kisitsisitigut paasissutissani – suliffissarsiortutut nalunaarsuutinut naatsorsuutit assigalungit – sumiiffinni innuttaasut kommunit suliffissarsiuussisarfiinut suliffissarsiortlutik saaffiginninnermikkut nalunaarsuutaat pingaarnertut najoqputarineqarput. Suliffissarsiortluni saaffiginnerit amerlanerpaartaat kommunit allaffissornermi nalunaarsuiffianni Winformatik-imi nalunaarsorneqartarput. Qaammatit tamaasa Winformatik-imiit kommunit ataasiakkaat pillugit suliffissarsiortlutik saaffiginnissimasunut paasissutissaannik Naatsorsueqqissaartarfik pisarpoq.

ILO-mi maleruagassanut ilaavoq, piffissami inuk sulisimasutut nalunaarutigineqarsimaguni suliffissaaleqisutut nalunaarutigineqassanngitsoq! Taamaattumik Naatsorsueqqissaartarfik suliffeqarneq pillugu nalunaarsuisarfia atorlugu suliffissarsiortut qaammatip

ingerlanerani sulisimasutut nalunaarsorneqarsimasut piiarneqartarpuit. Suliffeqarneq pillugu nalunaarsuisarfik atorlugu sulisinnaasut aamma naatsorsorneqartarpuit, tassaallutik suliffilittut nalunarsorsimasut imaluunniit suliffissaaleqisutut nalunaarsorsimasut. Nammineerluni nalunaarsukkat suliffeqarneq pillugu nalunaarsuisarfimmi ilaatigut atorneqartut, suliffissaaleqineq pillugu kisitsisitigut paasissutissani kingullermik tinguneqarsimaneri malillugit najoqqutarineqarput. Tamannalu suliffissaaleqisunut kisitsisit kingusissukkut saqqummersinnejartarnerannut peqqutaanerpaavoq.

Sulisinnaasunut suliffissaaleqisunullu kisitsisit innuttaasunut najugaqvissunut inuussutissarsiorfiusinnaasunillu ukiulinnut killilerneqarput, Naatsorsueqqissaartarfiullu innuttaasunut nalunaarsuisarfia tassani tunngavigineqarpoq. Nalunaarsuiffimmi nunap sumiiffiini inunnut paasissutissat aamma atorneqarput - soorlu najugaqarfimmum suiaassutsimullu tunngasut – suliffissaaleqisunut aamma sulisinnaasunut. 2017-imi januarip aallaqqaataat aallarnerfigalungu utoqqalinermi soraarnerussutisiaqalersinnaanermut ukioritat 65-iniit 67-inut qaffanneqarput. 2017-ilu aallarnerfigalungu 18-iniik 65-inut ukiullit inuussutissarsiorsinnaasutut naatsorsorneqartalerput, ukiuni siuliini 18-iniit 64-inut ukiulinnut naatsorsorneqartarnikut.

Ilinniartitaanermut paasissutissat kisitsisini atorneqartut Naatsorsueqqissaartarfiup ilinniakkanut qaffasinnerpaamik naammassisimasanut nalunaarsuiffianinngaanneerput (HFU), ukiup naanerani naatsorsuusiariineqartartut. ISCED11-mi ilinniakkat qaffasissusaannut taaguutit malillugit ilinniagarineqartut immikkoortiterneqarput, tulleriinarerili allanngortinneqarlutik – imaluunniit ataatsimut eqikkarneqarlutik – ilinniakkat qaffasissusaannut tallimanut *Meeqqat atuarfiat appasinnerpaanngorlugu Ingerlariaqqifflusumilli ilinniarneq* qaffasinnerpaanngorlugu. Taassuma saniatigut *Inuussutissarsiornermik ilinniakkat ilinniarfinnut arfineq-marlunnut immikkoortiterneqarput*. Ilinniakkat immikkoortiternerini ilinniakkanut ataasiakkaanut assersuutit Naatsorsueqqissaartarfiup nittartagaani [www.stat.gl](http://www.stat.gl) –imi *Suliffeqarnermut pissutsit* ataanni pdf-filinngorlugit nassaarineqarsinnaapput. Ilinniagaqarsimanermut naatsorsuutit pillugit annerusumik paasissutissanut innuttaasut ilinniagaqarsimassusaat pillugu saqqummersitami periaatsimut nassuaat innersuussutigineqarpoq.

### 3.3 Periaaseq

ILO-p naatsorsueqqissaarnermi allaffianit periutsit nassuaasierneqarlutillu malederuagassiorneqarsimasut tunngavinerullugit naatsorsuisoqarpoq. Nalunaarsuutit atorneqarsinnaasut apeqquaallutik nunani tamalaani periutsit malinneqarput.

#### 3.3.1 ILO-mit suliffissaaleqineq pillugu nassuaat

ILO-mit suliffissaaleqineq pillugu nassuaammi piumasaqaatit pingasuupput, ataatsikkut naammassineqarsimasussat. Nassuaat malillugu piffissami naatsorsuiffiusumi inuk suliffissaaleqisutut naatsorsorneqarpoq:

- Sulifilittut nalunaarsorsimanngitsoq,
- Suliffissarsiortutut nalunaarsorsimalluni,
- Ingerlaannartumillu sulilernissamut piareersimalluni.

Piffissap suliffissarsiortiusup sivisussusaa nassuiardeqanngilaq, kisianni innersuussutigineqarpoq piffissaq sivikitsuussasoq, assersuutigalungu ulloq ataaseq imaluunniit sapaatip akunnera ataaseq. Taamatuttaaq ILO-mit innersuussutigineqarpoq sulisinnaasut ukiui minnerpaaffilerneqassasut – suliffissaaleqinermut attuumassuteqartumik - nunami naatsorsuiffiusumi pissutsit atorneqartut malillugit. Ukiulli qaffasinnerpaaffissaannik innersuussuteqartoqanngilaq.

**3.3.2 Naatsorsueqqissaartarfimmit suliffissaaleqineq pillugu nassuaat**  
 Innuttaasut suliffissarsiussisarfinnut suliffissarsiortutut nalunaarsimasut Kalaallit Nunaanni suliffissaaleqineq pillugu paassisutissani tunngavigineqarput. Qulaanili allanneqareersutut ILO-mit nassuaat malillugu suliffissorsiomaneq suliffissaaleqisutut naatsorsuunneqarnissamut naammanngilaq. Kisitsisit paassisutissat tunngavigalugit piffissap pineqartup sivikinnerpaaffissaqa qaammat ataasiuvoq, tamannalu ILO-mi piffissarititamit sivisunerungaatsiarpoq. Nalunaarsuutit atorneqarsinnaasut tunngavigalungit ILO-it innersuussutigineqartoq malillugu sapinngisamik suliat naammassineqarnissaat piviusunngortinniarlugu Naatsorsueqqissaartarfik qaammammi suliffissaaleqisutut naatsorsorneqassagaanni piumasaqaatinik toqqartuivoq. Suliffissarsiortorlu tassaavoq:

- Suliffissarsiussisarfimmi suliffissarsiortutut nalunaarsorsimasoq aamma
- Qaammammi pineqartumi suliffeqarneq pillugu nalunaarsuisarfimmi sulifilittut nalunaarsorsimanngitsoq.

Nalunaarsuutit atorneqarnissaannut piareersarnermi kiisalu nunap sumiiffini paassisutissat pissutsillu atukkat ilisimaaralugit isumannaarniarlugit, sulisinnaasunut suliffissaaleqisunullu kisitsisitigut paassisutissat innuttaasunut najugaqavissunut killilerneqarput. Innuttaasullu najugaqavissut taassaapput ukiup naatsorsuiffiusup aallartinnerani naaneranilu Kalaallit Nunaanni najugalittut nalunaarsorsimasut.

Taamatullu misissukkat innuttaasunut inuussutissarsiortiusinnaasunik ukiulinnut killilerneqarput, 2017-imuit 2018-imut 18-iniit 65-inut ukiulinnut aamma 2010-miit 2016-imut 18-iniit 64-inut ukiulinnut, ukiut qaffasinnerpaaffianni utoqqalinermi soraarnerussutisiaqalersinnaanermut ukioritat malillugit, januaarip aallaqqataani 2017-imi 65-iniit 66-inut allanngortinneqartumi. Ukiut minnerpaaffissaat 18-inut killilerneqarpoq, 18-it inorlugit ukiullit qaqtiguinnaq suliffissarsiussisarfinni nalunaarsorneqartarmata. 65-it sinnerlugit ukiulinnut aamma taanna atuuppoq. Tassungalu pissutaasinnaavoq ukiuni pineqartuni utoqqaassusillit

isertitanut taarsiissutaasunik ikiorsiissutinik pisartagaqarsinnaatitaanngimmata, suliffissarsiortutut nalunaarsorsimanikkut aatsaat pisartagarineqarsinnaasunik. Taamatullu kisitsisinut nalunaarsuutini atorneqartuni suliffissaaleqisut 18-65-it avataanni ukiullit (2010-miit 2016-imut 18-64-inik ukiullit) nalunaarsuutaat tamakkiisuunngillat, naatsorsuutillu annertuumik nalorninaateqarnissaat pissutigalungu ilanngunneqaratik.

### **3.3.3 Sulisinnaasut pillugit nassuaat**

ILO-p nassuaataa malillugu sulisinnaasut tassaapput innuttaasut suliffillit imaluunniit suliffissaaleqisut. Naatsorsueqqissaartarfiup nassuaataa malillugu sulisinnaasut tassaallutik Kalaallit Nunaanni najugaqavissut qaammammi pineqartumi suliffilittut nalunaarsorsimasut imaluunniit suliffissarsiortutut nalunaarsorsimasut. Suliffissaaleqineq pillugu kisitsisitigut paasissutissat assigalugit sulisinnaasut 2017-imiik 18-iniit 65-inik ukioqarput 2010-miillu 2016-imut 18-iniit 64-inut ukiulinnut killilerneqarput.

### **3.3.4 Nunap sumiiffini innuttaasut pillugit paasissutissat**

Suliffissaaleqisunut aamma sulisinnaasunut nalunaarsuiffiit suliffeqarnermi atukanut paasissutissat saniatigut aamma nunap sumiiffini inunnut ataasiakkaanut paasissutissanik imaqrarput. Assersuutigalungu ukiut, suaassuseq najugarlu pillugit, Naatsorsueqqissaartarfiup innuttaasunut nalunaarsuiffiani ukiup naatsorsuiffiusup naanerani paasissutissanik. Suliffissaaleqinermi sulisinnaanermilu innuttaasup ukiup naatsorsuiffiusup naanerani inoqarfik najugaqarfia nalunaarsorsimavoq, taamaattoq innuttaasoq inoqarfimmi allami suliffissarsiortutut imaluunniit suliffeqarsimasutut nalunaarsorsimasinnaavoq.

## **3.4 Nalunaarsuutini kukkunerit**

Suliffissaaleqineq pillugu kisitsisitigut paasissutissanut najoqqutat ilaatigut nalorninaateqarsinnaasut arlaqarput, ingammik ILO-p nassuaataanit allaanerusunik nalunaarsuutillit imaluunniit nalunaarsuutinut atorneqartunut tunngassutillit. Najoqqutani nalorninaatilittut inissismasut pingarnerpaat immikkoortumi matumani saqqummiunneqarput.

ILO-mit nassuaat malillugu suliffissaaleqisunik peqarpoq, arlaannilli peqquteqartumik suliffissarsiussisarfinni nalunaarsorsimanngitsunik. Tassaanerpaasarpullu innuttaasut isertitanut taarsiissutaasunik ikiorsiissutinik pisartagaqarsinnaanngitsut, suliffissarsiortutut nalunaarsorsimatinanni pisartagarineqarsinnaanngitsunik.

Suliffissarsiortutut nalunaarsorsimasunitaaq peqarpoq, suliffissarsiunngikkalanik, kingunerisaanilli suliffittaarsinnaasutut inissismanngitsunik. Tassani ilaatigut piginnaanngorsarniarluni pikkorissarnerni peqataasut pineqarput.

Suliffissarsiortutut inissismasut tamakkerlutik suliffeqalernissamut piareersimasutut nalinerneqartanngillat, taakkuuppullu immikkoortoq 3.3.1 malillugu ILO-mit suliffissaaleqinermut nassuaammi piumasaqaataasut

pingajuannik naammassinnissimannngitsut. Suliffissarsiorup sulilernissamut piareersimassusaa sumiiffimmi suliffissarsiuussisarfimmi nalilersorneqartarpoq, nalilersuinerlu tunngavigalungu suliffissarsioritoq sulilernissamut piareersimassusermi immikkoortiterinerit pingasut malillugit inissinneqartarpoq. Sulilernissamullu qanoq piareersimatiginermik naatsorsuutini sumiiffinni ataasiakkaani suliffissarsiuussisarfinni qanoq immikkoortiterisarnerit annertuumik assigiinngissuteqarsinnaammata, suliffissaaleqisut kisitsisitigut paasissutissaani sulilernissamut piareersimanermut nalunaarsuutit ilanngunneqanngillat.

Tassungalu atatillugu aamma miserratigineqarsinnaanngilaq suliffissarsiuussisarfinni ataasiakkaani suliffissarsioruntuut nalunaarsuisarnerit assigiinngissinnaanerat. Inoqarfut ataasiakkaat akornanni suliffissaaleqisunut kisitsisit assigiinngiaarneri nalunaarsueriaatsit assigiinnginnerannik aamma takussutissaasinnaavoq.

Suliffissaarsiuussisarfinni ataasiakkaani nalunaarsueriaatsit piffissap ingerlanerani aamma allanngorsinnaapput. Tamanna kommunimi nalunaarsueriaatsimik allannguinermik imaluunniit sumiiffimmi suliffissarsiuussisarfimmi sulisumik taarsiisoqarneranik peqquteqarsinnaavoq.

Suliffissarsiorunik nalunaarsuineq assaannarmik ingerlanneqartarput, nalunaarsuutit qarasaasiakkut suliarineqarsinnaalersinniarlugit. Assaannarmillu nalunaarsuineq kukkunernik pilersitsisinnaavoq, tamannali minnerusumik ilimanaateqarpoq.

Nalunaarsuiffinni atorneqartuni kukkunerit – suliffilinnut, innuttaasunut kiisalu ilinniartitaanermi kisitsisitigut paasissutissanut nalunaarsuiffinni – suliffissaaleqisut sulisinnaasullu nalunaarsuiffiinut ingerlaqqissinnaapput, soorlu suliffissaaleqisut nalunaarsuiffiannit kukkunerit sulisinnaasut nalunaarsuiffiannut ingerlasartut.

ILO-mit innersuussutigineqarpoq piffissaq naatsorsuiffiusoq tunngavigineqartoq sivilitsuussasoq – assersuutigalungu ulloq ataaseq imaluunniit sapaatip akunnera ataaseq. ILO-llu innersuussutaanut naleqqiullugu qaammat ataaseq sivisungaatsiarsinnaavoq.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslægt tal

Saaffiginniffissaq

Gorm N. Pedersen

E-mail: gnpe@stat.gl

Suliffeqarnermi pissutsit